

Jose Luis Melena filologoak jaso du aurtengo Euskadi Ikerketa saria

K.a.-ko bigarren milurteko gizarte greziarra aztertzen dihardu sarituak

Aitor Elduaian / Donostia

Atzo iluntzean eman zen aurtengo Euskadi Ikerketa saria, Donostiako Miramar jauregian eginiko ekitaldian. Eusko Jaurlaritzak, Hezkuntza,

Unibertsitate eta Ikerketa sailaren bidez, Humanitate eta Gizarte Zientzien arloko saria ematekoa zuen —bigarren aldia zen—, eta Jose Luis Melena Jimenez filologo donostiarrak jaso zuen, Juan Jose Ibarretxe

lehendakariaren eskutik. Aro mizenikoaren azterketan oinarritua dago sarituaren lana. «Oraindik bizpahiru urtetan luzatuko da», azaldu zuen filologo donostiarrak bere lana ahotan hartuta.



GARI GARAIALDE

Jose Luis Melena filologoa, 1999ko Euskadi Ikerkuntza saria jasotzen, Juan Jose Ibarretxe lehendakariaren eskutik.

EKITALDI zaindu batean, Euskadi Ikerketa sariak, iazko estreinuari jarraiki, bigarren zientzilaria izendatu zuen atzo Donostiako Miramar Jauregian. Jose Luis Melena filologo sarituaz gain, han izan ziren, besteak beste, Joan Jose Ibarretxe lehendakaria, Inaxio Oliveri Hezkuntza, Unibertsitate eta Ikerketa kontseilaria eta epaimahaiko presidente Miguel Sigan.

Urte bakoitietan saria Humanitate eta Gizarte Zientzien arloan diharduten zientzilariei ematen zaie, eta, aldiz, bikoitietan, Zientzia eta Teknologian dihardutenei.

Aro mizenikoan landutako idazkiak

Jose Luis Melenak, lehena-ren ildotik, K.a.-ko bigarren milurteko kultura eta gizarte greziarrak aztertzen dihardu. Batik bat, garai hartako testu idatzidun lokatzezko oholtxoak berregin eta desfizratzen. Gai horretan orain artean egindako lan eta ekarpenengatik aurtengo saria eskaini

dio epaimahaiak. Bederatzi hautagairen artean nabarmendu dute Melena.

Epaimahai horretako presidente izan den Miguel Sigan-ek filologo donostiarraren ikerkuntzarako boka-zioa azpimarratu zuen, eta, saritutako lana oraindik bukatutzak eman ezin daitekeen lana dela aipatu zuen.

Aukeraketa lana ez zaiela erraza egin aitortu zuen, eta, horrek sariaren jarraipena «ziurtatzen» duela.

Jaurlaritzaren ikerkuntza sariak

Inaxio Oliverik, bere aldetik, «hondakin artean behin betiko desagertzeaz zeuden tes-

tuak berreskuratuz eginiko lana nabarmendu zuen, ekitaldiaren hitzaurrean.

Ibarretxek, ikerkuntza zientifikoan aurrera egiteko euskal erakundeek hartu beharreko konpromezuez hitze-gin zuen, eta, Pedro Migel Etxenikeren aipu bat gogora ekarri: «jeinu guztien atzean, ehuneko 95a izerdia da».

«Lana laster bukatuko dudalakoan nago»

A.E. / Donostia

Mizeniko garaiko eskuizkribuen irakurketa egin, eta haietatik informazio linguistikoa eta historikoa ateratzea da 1999ko Euskadi Ikerkuntza saridunaren lan zientifikoa.

Gaztetandik omen datorkio zaletasuna Jose Luis Melenari, atzo agertu zuen moduan. Hasi Donos-

tiako Urbieta kaleko eskola publikoan, Peñafloida Institutuan jarraitu, eta, Salamankako Unibertsitatean sendotuz, besteak beste, Koldo Mitxelena iarakasle bezala edukiz. 30 urte egin ditu unibertsitatean, ikasle nahiz irakasle gisan.

Orain, aldiz, bere ikerkuntza lana amaitu bidean da-

kusa: «ni bakarrik geratzen naiz, eta bizpahiru urtetan amaituko dudalakoan nago», esan zuen.

Bestalde, Melenak, unibertsitateko Historia irakasle Jose Maria Portillok azken bi urteotan autoan jasandako bi erasoak gogora ekarri nahi izan zituen atzoko bere hitzaldian. Ibarretxeri zuzenduz, hala esan

zuen: «ekintza hauek onarkaitzak dira, eta, adeitasunez baina seriotasunez ere, esango dizut zeure gobernuak hiritarren askatasunen defentsan miopia agertzen duela». Ibarretxek, horretaz hitzegitea ekidin zuen, eta aurrerabidean den euskal gizarteaz nahiago zuela hitze-gin gaineratu zuen.

75 urteko gizon errenteriar bat hilik agertu zen atzo Pasaiako portuan

Senitartekoek igandean ikusi zuten azkenengoz, eta ordudunik desagertuta zegoen

Erredakzioa / Donostia

GOIZEKO 11:30ak inguruan ibiltari batzuek Pasaiako badian, Gipuzkoan, ur gainean hilik zetzan gizaseme baten gorpua ikuskatu zuten atzo. Luzuriaga untziolako eta Pasai Antxo eta Pasai San Juan arteko untziratze-ko lekutik hurbil egin zen aurkituntza lazgarria.

Hildako gizona 75 urteko L.O.A. errenteriarra zela eman dute aditzera Gipuzkoako Ertzaintzako iturriek. Halaber, azaldu dutenez, bere senideek igandean ikusi zuten azkenengo aldiz gizonezko hau eta ordudunik etxetik desagertuta zegoen. Ondorioz kezkatutik, herane-gun desagertetaren berri eman zuten ertzainen aurrean, eta arren L.O.A. bilatzeko eskaera egin zuten.

Gorpua itsasotik atera ostean Donostiako Polloe hilerriko Institutu Anatomico Forensera eraman zen, bertan autopsia egiteko.

Durango Mañaria errekan igandean hilda aurkitutako gizona identifikatu dute

Erredakzioa / Bilbo

BIZKAIKO Ertzaintzako iturriek atzo argitu zuten, igandean Durango pareko Mañaria errekan hilik aurkitu gizona, 34 urteko M.O.P. durangarra zen.

Basurtuko Institutu Anatomiko Forentseak egin autopsiaren emaitza guztiak jakin ez badira ere, gizona itota hil zela baieztatu da.

Gorpua, igandean aurkitu zuen ibilaldi bat egiten ari zen Durango auzokide batek, Mañaria erreka-aren ur gainean, trenbideko zubitik hurbil. Haseran, ez zen jakin biktimaren nortasunik, aurkitu zenean inolako agiri-rik ez baitzeraman hark soinean, ikerketek argitu dute, ordea, nor zen.